

圓覺經略疏之鈔卷第十五

本十

圭峯蘭若沙門 寧

於大鈔畧出

疏一知下二別釋此處非處智處是建立義

是依義然建立果善惡報也與果為依能起果法

故云處也智度云然此所釋依智度論不能一一標名是處不

本十

是處如實知一力也釋曰處者因果相當如殺等墮地獄戒等生人天非處者反上謂殺等生天戒墮地獄等若如此者無有是處故言非也總知下論云此力是總餘九是別故一切諸法等者正是總攝義也諸法不出因

緣果報故處非處成就正見破於倒見無不具也故論釋是處非處不必定言因果然亦不出因果故論云女身作輪王無是處二輪王出世無是處惡行生天無是處乃至佛有過失諸賢聖求外道為師諸賢聖自言是佛

諸賢聖墮惡道皆無是處故知總論一切矣降伏下力之業用破非處也即無因惡因為非處知之故能破之知人等者論云既徧知已可度者度之不可者為作得度因緣如醫知病可治不可疏二知下即過現未來業報

智論云佛知是衆生業煩惱因緣故縛指此門淨禪定三昧解脫因緣故解指第三門是一切衆生三世三種諸業諸煩惱輕重深淺麤細佛悉徧知故名是力此却指門又知衆生過去未來現在諸業知造諸業處知因緣知果報二

力也據論所釋諸業與報相對有單有複論云業報智力者據論所說三性心中互受三性業報論云復次善心中受善不善無記業報不善心無記心亦如是應云不善心中受善不善無記報無記心中受善不善無記報及順現等者論云現報業因緣

故受現報生報業因緣故受生報後報業因緣故受後報不淨業因緣故受苦惱報淨業因緣故受無惱報雜業因緣故受雜業報然報與時互有定不定受其文甚廣如大鈔具有引釋知所度下業用下皆例此可知至文

本十

二

更不指也問此與前力何別答前知所造此知能造又前是總相此是別相疏三知下諸禪解脫三昧智也即前總中開此淨業對第名知止總論云禪名四禪佛知是禪佐助道法名相義分次第重修有漏學無漏學淨垢三

昧深淺分別等八解脫如禪中分別相說禪
攝一切色界定諸解脫攝一切禪定波羅蜜
即是諸解脫禪定解脫三昧皆名為定定名
為止不散亂也垢名愛見慢等諸煩惱淨名
真禪定而離愛見慢等煩惱如真金分別名

諸定中有一心行不一心行常行不常行難
入易入難出易出別取相總取相轉治不轉
治如淫欲中慈心瞋人不淨觀愚癡人思惟
邊無邊掉戲心中用智慧分別諸法散心中
欲攝一心若不爾者名不轉治及知等者生

色界無色界果及出世三乘聖果前知能修
此知依所
修現神通疏四知下諸根勝劣智也謂信進念定
慧此五通生出世間法故名根也由前修念
處正勤神足等二位故不可拔故前三至此
總得名根於此五中復各有上中下品佛用

本

三

此智知是根今世但能得初果不能得餘但
能得初禪乃至能得聲聞中第一辟支中第
一或是具足六度能得阿耨菩提如是知已
或為畧說或廣說或善轉語或苦切語各隨
宜得度故云知信等也云云大鉢廣
引緣起具釋疏五知

下即種種解智解即欲也論云欲名信喜好樂佛知衆生二種欲作上下根因緣二種欲善惡種種別異謂好五欲如孫陀羅難陀等好名聞如提婆達多等好世間財利如須那剎多羅等好出家如耶舍等好頭陀如迦葉

等好多聞如阿難等云云諸弟子如是佛弟子各各有所好凡夫人亦各各有所好或喜淫欲瞋恚令捨不淨增淨者既知好樂有染淨不同理宜令捨染增淨也前云根者知宿惑多少此知好樂不同又前唯信等入道利鈍之

根此兼染淨之好疏六知下種種界智界即性也謂知諸衆生宿有一乘根性或三乘出世性或五乘世出世種性上皆習佛教成性也多貪多瞋多癡等分性乃至八萬四千續隨無明過因緣成性論云性名積習問此與前欲樂何異

答性則種子欲則現行從性生欲習欲成性問若習欲成性與前第四力知五根何異答性通善惡根唯信等入道之根也知即時等者論云知衆生如是性如是欲從是處來可度不可度必不必行何行生何處在何地云云

今世可度後世可度即時可度異時可度異
時可度之人佛能度是人聲聞能度是人必
可度是人必不可度畧說可度可度廣
說讚歎折伏將迎棄捨細法麤法苦切輒語
云疏七知下一切至處道智也今言一切道

本十

四

者善惡不動等三行及無漏行也至處者五
道是有漏行所至處涅槃是無漏行所至處
故論云一切善道一切惡道一切聖道各各
知諸道至處佛悉徧知名第七力疏八知下
即彼第九宿命無礙智今宿住者過去本生

本事住宿世故名為宿住經名宿命者謂宿
一期住壽本生本事也論云宿命有三有通
有明有力凡夫人但有通聲聞人亦通亦明
佛亦通亦明亦力所以者何凡夫人得五但
知宿命所經不知業因緣相續是故凡夫人

但有通無明聲聞人知集諦故了了知業因
緣相續生以是故聲聞人亦有通亦有明若
佛弟子先凡夫人時得宿命智入見諦道中
知集因緣第八無漏心得斷見故通變為明
所以者何明名見根本若佛弟子先得聖道

後宿命智生亦知集因緣力故通變為明佛用是明知已身及衆生無量無邊世中宿命因緣所更種種悉徧知為力問此與前至處智何異答前知前際隨念趣因此知前際名姓苦樂等事疏九知下即彼經第八天眼無

本十

五

礙智佛眼淨過諸天眼見衆生死此生彼時端正醜陋若大若小若慳善道若慳惡道如是業因緣受報皆能正知故名此力依天眼發是故此智名天眼智此約所得名餘皆從所知此智能知生死名生死智此約所論云佛用天

眼見衆生生死處凡夫人用是天眼極多見四天下聲聞人極多徧見小千世界上下亦徧見問曰大梵王亦能見千世界有何等異答大梵王自於千世界中立則徧見若在邊立則不見餘處聲聞人則不爾在所住處常見千世界辟支佛見百千世界諸佛見無量無邊諸世界凡夫人天眼智是通而非明亦如是但見所有事不能見隨業因緣受生如宿命中說復次聲聞人用所住三昧心中入餘三昧天眼則滅佛則不爾心雖入餘三昧

天眼不滅疏十知下永斷習氣智也佛以世
智知自知他漏盡解脫知自者論云諸漏盡
故無漏心及智慧解脫現在法中自識知我
已盡等知他者論云聲聞但知自盡漏諸佛
亦盡他人漏上來別釋竟疏然佛下三總相料揀

論云問曰佛有無量力何以故但說十力答
度人因緣故但說十力足辨其事謂以是處
不是處智力分別籌量眾生是可度是不可
度以業報智力分別籌量是人業障報障是
無障此下撮引之三知禪味著不味著四知根勝

劣五知所樂六知所趣七籌量解脫門八知
先所從來九知生處好醜十知漏盡涅槃佛
用十力度脫眾生審諦不錯皆得具足論又
云初力為總總攝九力為度眾生故於中分
別有九力云云大鈔一一列釋疏一正下二釋無所畏

經云四無所畏者誠實論云一切智一切漏
盡能說障道及盡苦道若有人來如法問難
我無所畏初一是前九智力第二是漏盡智
力後二令他具足疏一正知下此第一正是
薩婆若此云一切種智即無上菩提二則涅槃三由四則利他

知一切法故名一切智佛心豈有他正覺覺
世間謂佛下論中先顯其相後方結云一無
畏等論初便云佛作誠言我是一切正智人
若有沙門婆羅門云云下當具引若論文則每
一無畏之初皆有此言

講者便應一一懸引
或任就疏總結處備

得之亦問佛何以一切人天之類不可壞得無
畏答誠實論云佛說二諦故不可壞凡夫無
智亦不與諍又佛不與世間諍世間謂有佛
亦說有世間謂無佛亦說無以其無諍故不
可壞又真實論故不可壞不但隨語皆自心

知故不可壞釋曰論指五義故言無畏五者
一不住真俗故若住著即可破二善巧隨機
應之言無違諍故不可壞三不與世諍等者
世間言有佛以即真之俗而應之世間謂無
佛以即俗之真而應之然離真之俗是妄心

本十

七

所執故推徵其理必虧於即真之俗故所說
不可破也四但據實理非勝負心只由心無
所得故發言不失五世人言論皆是強作道
理佛所說者如人見青黃說青黃見長短說
長短故定不謬如何可壞論結云故佛告比

丘汝等莫但信我語當自知見自身證行又
言汝求諸無諂曲者若我晨說夕得夕說晨
得疏二盡一切漏及習者論云佛作誠言一
切漏盡若有沙門等三說一切下文勢隼上
誠實論云不善及有漏善障解脫故然障聖

道有其二種謂若執相不求真理則善與不
善俱障若於教理信解真正依解修行之人
則一切善法悉為助道惡不善法方為障道
若就小乘聖道即唯欲為障說欲障道方為
無畏四說出苦下論云誠哉我所說聖道能

出世間隨是行能盡諸苦若有沙門云佛作
誠言下四段皆云佛作誠言我是一切正智
人若有注釋此者沙門出家婆羅門在家有
若天地天若魔六欲若梵梵王及若復餘眾
除此空天如實言若以現事若是法不知與佛論
所餘以因緣難

有人言不說外道經書有言論須彌斤兩等
有人言佛但涅槃一後說者乃至不見是微畏
因緣佛或不知此後說者乃至不見是微畏
多是小乘外道不見諸小因緣如法能來以
相破我者以不見故諸天外道有此疑者以
是故我得安隱得無所畏安住聖主處如牛
王在大眾中師子吼轉妙梵輪諸沙門婆羅

門若天若魔若梵若復餘衆實不能轉一無

畏等

備引一無畏以例三也故云我是一切智及是法不知餘三此二句則別

如本文餘說此下二句是疏家撮畧大意而皆同矣

結也問何故說四無畏答有人言若一切衆生共知一切事尚難况佛一人而有一切智

本十

此疑初無畏也餘三欲斷此疑難故佛自說例此各隨義說疑情

無畏問何名無畏答得無所疑無所忌難智

慧不却不浚水毛不豎在在法中如法即作

是無畏相此四中初二顯自功德後二利益

衆生又一三說智二四說斷又如初示藥草

二示病滅三知禁忌四示應食問此是智何

異十力答廣

十畧無畏說故又能有所作力無所疑難

畏自有智慧力無能破壞故畏皆上

句十力下句無畏故誠實論云或性怯弱難

知不善說等故說無畏

詳有智是力能說是辯合之以為無畏也

疏智緣下三釋無礙智二一依智度論雖全

依論而初二與華嚴及諸論名有先後論則

先義後法華嚴則先法後義今引經列名依

十地論及清涼疏釋相論云義無礙智法無

礙智辭無礙智樂說無礙智義無礙智者用

名字言語所說事各各諸法相所謂地堅相此中地堅相是義地名字是法以言品說地是辭於三種智中樂說自在是樂說於此四事中通達無滯是名無礙智濕相水熱相火動相風心相思五陰無常相五受陰無常苦

本

九

空相一切法無我相以是等總相別相分別諸法亦如是是名義無礙智法無礙智者知是義名字堅相名為地如是等一切名字分別中無滯是名法無礙智所以者何離義名字不可得知名必由於義以是故次義有法

問曰義之與名為合邪為離邪若合召火時應燒口若離說火時應得水荅曰亦不合亦不離古人假為立名以名諸法後人因是名字識是事如是各各有名字是為法是名字及義云何令衆生得解當以言辭分別莊嚴能令人解通達無滯是名辭無礙智說有道理開演無盡亦於禪定中得自在無滯是名樂說無礙智釋曰論以義為體相以法為名字故先義後法今疏意順諸論及華嚴經名是標舉義是顯示夫欲解義先須釋名名如

前陳義當後說故法先義後餘義則全依論
疏若約下二約華嚴經即第九地經其文有
十種四無礙今畧用五側注者皆五中一者
自相約總別以分法義經具云此菩薩以法
無礙智知諸法自相色變碍為義無礙智知

諸法別相如色有十又一知下二同相約性
相以分法義經云以法無礙智知諸法自性
理同也義無礙智知諸法生滅相事同也
歸於性又一法下三行相經
直釋中取意用者云法無礙智知現在差別以義無礙智知過

去未來法差別約三世以明法義是則當世
而知名法智即法無礙也逆見過未能知現
在名比智比量即是義無礙也又一知一相
下四無我慢相約真俗以分法義經云法無
礙智知諸法一相不壞第一義諦無我故云

本十無我故若言我知無我我證無義無礙智知
我則壞無我以有能所故也又知一乘下五
蘊處界諦緣起善巧我世諦見一乘諸乘相約權實以分法義經云法無礙
智知一乘平等性觀不異也唯義無礙智知
諸乘差別性就彼根性有三乘五乘故今且畧舉十相中

五^六一^二三 以為例也觀其文相皆法智知法
 體義智知義用故與智論名次不同後二則
 同者此四無礙雖皆智所緣境然初法義全
 是所知之境境義增勝由境差別眾多故十
 中皆別後辭無礙但是以言辭說前二說二
 時樂說不滯無別義體以目何行相故經文
 雖一一各列四智之別後二義相皆同故今
 疏云辭則說於等也又亦辭則當法無礙樂
 說乃當義無礙也法有名數不可改張宣名
 數者則當辭句義義是義理義意由人巧說

無定名句故智慧善巧妙辯機變之徒好樂
 說之隨意而無礙也智論問力無所畏無礙
 皆智慧內有力外無所畏即具足何以復說
 無礙答力無畏已分別有人雖無所畏在大
 眾中說法而有可礙以是故說四無礙智得

李

土

是無礙智莊嚴四無所畏四無所畏莊嚴十
 力疏力等下四釋不共法二一正釋言力等
 者釋不共之義智論問曰是三十六法皆是
 佛法何故獨以十八為不共答謂二乘分有
 十力四無畏故

如舍利弗演法無礙佛讚善
 法性又那律天眼又佛說弟

子中能師

三等應言一諸佛身無失二諸佛

口無失

多劫成定慧大悲成就故拔諸罪因緣及習故

三諸佛念無

失

四念處心長夜修故心無得失故

今意在文畧都以無失

結三業也四者佛於衆生無貴賤敬慢怨親等異故常觀誰可度故觀彼本來清淨故五

者定名一心不亂亂心中不能得見實事如水波蕩不得見面如風中燈不得好照佛心如澄淨水如無風燈故無不定心問佛若常定云何遊行說法答佛於諸法實相中定不退失故欲界有定入定可說法故六者衆生

鈍根多覺苦受樂受於捨受中不覺不知而有捨心是為愚使所使佛於不苦不樂受中知生住滅時故念念心中麤細深淺無不悉知知已而捨或捨衆入禪有人疑佛佛言我種種因緣知而故捨七者從此已下至第十

二一皆有無滅字今疏畧之最後都云無滅者貫通前也初欲無滅者欲謂樂欲佛知善法息常欲集諸善法故修習心無厭足故涅槃云一切善法欲為其本論中又說老比丘目暗自縫僧伽梨針袈脫語諸人言誰

欲福德為我衲針佛現其前我欲福德無厭
足人汝持針來比丘識是佛聲白佛言佛無
量功德海盡其邊底云何無厭足佛言無有
如我知恩分者我本以欲無厭故成佛是故
今猶不息八者如欲中說欲為初行增長名

本

土

進欲唯意業進通三業又欲如人渴得飲精
進如因緣方便求飲欲為內精進焉外又佛
說法背誦小息云何難說法至精進覺支佛
驚起坐三問阿難汝讚精進義邪阿難言讚
如是至三佛言善哉善哉善修精進乃至得

阿耨菩提何況餘道又佛種種度生遇諸惡
緣不生懈怠九者於三世諸佛一切智慧相
應故論問曰先說念無失今復說念無減與
此何別荅失名錯誤減名不及故異於前十
者三世一切智慧力無畏無礙成就故慧無

減如酥油豐饒燈炷清淨光明亦盛佛亦如
是禪定如油念如燈炷故慧光無減又世世
聞法讀誦思修問難故十一者無漏智慧相
應故有為解脫一切煩惱習盡故無為解脫
十二者於解脫中智慧無量無邊清淨故言

知見者論問曰但言知何復言見答言知言見事將堅固如世有知非見有見非知故具言即無疑譬如繩二合一則牢無減者此二字貫通上六如前已說論問曰佛一切法中無減何故但六事中無減答一切自利利他

本

十一

中四事能具足欲求一切善法之根本精進能行念能守護如守門人善者聽入惡者遮止慧照一切煩惱用是四法事得成辦是四法果報有二種一者解脫二者解脫知見解脫義如先說解脫知見者用是解脫知見知

是二種解脫相有為無為解脫知諸解脫相所謂時解脫不時解脫慧解脫俱解脫壞解脫不壞解脫八解脫不可思議解脫無礙解脫等十三四五者應云十三佛身業隨智慧行十四佛口業十五佛意業亦如是論云佛一切身口意業先知後隨智慧行佛三業無不利益衆生故如經說諸佛乃至出入息利益衆生何況三業諸怨惡衆生聞佛出入息氣香皆得信心清淨愛樂於佛諸天聞香亦捨五欲修善故言隨智慧行二乘無此事如

憍梵波頭得羅漢自食吐而更食又如波頭
摩波嘶吒跳上梁枰畢陵伽罵河神等皆身
口不隨智慧問佛曾入外道衆中說法都無
信受者又曾在衆中現曾腹入曾現舌相馬
陰戲相又罵諸弟子汝狂愚人汝死人食唾

人又結戒不許比丘畜八種鉢唯聽畜瓦鉢
鐵鉢而自用石鉢有時外道難問而不答又
處處說有我及說無我說諸法有又說無如
是等似身口不隨智慧行身口不離意業意
業亦應爾答曰不然於是諸事皆先有智慧

謂入外道以種後世大因緣故止外道謗言
佛自高慢故現腹者薩遮尼捷自言無人敵
得我難而不流汗者來至佛所佛質問之皆
不能答流汗淹地佛告尼捷汝試觀我流汗
不佛脫鬱多羅是其身因是外道大得信向

本十

古

有人疑佛舌相故不得道故佛出舌覆面還
入口中見者斷疑得道有人疑佛馬陰戲相
不現佛化作馬示之言陰戲不現正如是也
見者斷疑能集善根發菩提心如是等因緣
故非戲論非無羞義佛罵比丘者有人宜以

苦切語有宜頓語皆得道故如駛馬見鞭影即去鈍驢得痛手乃行亦如有瘡濡藥唾塗即差有破出惡肉塗惡藥乃愈又佛言狂愚人是頓語實語所以者何三毒發即是狂愚故問前說三業無失與此何異荅前不說因

緣今廣說因緣故謂由先以智慧起身口意故得成前三業無失此因果又佛成就三種淨業三寂淨業三不護業有人疑佛何因緣成就如是故佛言我以智慧然後三業隨智慧此上猶振器引若要故始終具見即覽大鈔十六七八等者由此

本

十五

知三世故得三業隨智慧行以此釋問過未無體現在不佳云何能知三世荅若無過未但有現在一念頃者佛亦不得成就無量功德又一心中亦不得有十力智等難曰若三世皆有者何等是無常等相無常名生滅敗壞故若三世皆有便墮常見何以故是法未來中定有轉來現在從現在轉入過去如人從一房入一房不名失人如是即無罪福無生死有無量過咎荅三世各各有相非過未有現在相又若無過未亦無出家律儀亦無

無五逆諸罪無死入地獄未來無業故無報
是為邪見又我不說過未如現在相我說過
去雖滅可生憶想能生心心數法如昨日明
日火今日可生憶想現在心雖無作住相續
生故能知諸法疏問無下二通妨頂相等者

等於足下柔輭如是甚多皆非智慧法不應
在十八不共中又如佛身力如十萬白香象
力及神通力等皆不說釋曰說智慧者稱性
生解脫情入諸其有果報體有聖有義成感
可欣樂而已不知其知故不說也上從力等
下指所用文言全依者謂不雜餘論於中用
華嚴一

科及或引餘教皆自科段
指之若不吉者即皆智論非論次第備寫
名曰全依於中或全寫三五行或一紙半紙
餘多闕畧其文但取要者或但意用之義雖
全是文或前却上來諸佛果法竟疏助謂下
二三乘因法二一釋助道二一總釋疏三十

下二別釋三一牒經列數可知疏然但下二
類攝出體言各八者精進中四勤為四更添
進根進力精進覺支正精進故為八也定中
四神足及根力覺支正道各有一定為八慧
中四念處此慧體隣
此名念及根等各一慧為八言

念四者根等各一念也戒三者正業語命也信二者根力各一也輕安下各不言可知疏初四下三牒文別釋七一釋念處四念處者謂身受心法等四是念慧所觀之處亦名念住佛令明記此身等四有不淨等四之過念

本

六

於此住名四念住又由此四得念慧住釋之文二一通大小乘言種子者有漏業因及父母精血住處者生藏下熟藏上自相者九孔常流自性者三十六物究竟者脞脹爛壞三受皆苦者為衆生不了此身不淨貪著生愛

計之為樂觀其三苦謂苦受苦苦樂受壞苦捨受行苦心無常者謂受樂故須觀心念念生滅何暇受樂法無我者即五蘊皆不自在何有我乎治凡夫四倒者疏序已釋疏又觀下二唯大乘觀是諸法無行經文其義破相亦可詳解治小乘者亦如前說疏四正下二釋正勤四念處下明來意也精進下躡出體之勢便釋名也異外下釋正字雖是下釋四行相謂未生之惡誓令永不復生已生之惡皆不忍受斷滅除遣未生之善發起猛利希

願獲得已生之善不失不退數更修習成滿
究竟䟽四神下三釋神足初列別名次牒釋
之樂欲者純生樂欲於不善因緣對治於善
因緣功德出離皆正審思察住一境念由此
多修習故觸一境性能害現行故名欲定無

本

上

間者策勵以斷二惡修二善無休息故心謂
等者由專心守護故得心一境性故名定也
觀名慧者由先聞正法故於定時內自揀擇
故名慧也以勤過下已識別名方明來意勤
過者四勤也智火者念處也神即下釋總名

譬如足者能往還能得能證出世勝法名
神以世間勝法喻出世勝法故名為神將彼
到此故名足此破謂欲等神足自體即是等
持欲等四法皆是助伴䟽五根下四釋五根
言五根者根所緣境即四聖諦信者忍可諦

理而為上首能起餘四進者於前所信諦理
策勤而行四勤念者明記諦理不忘四定者於
諦理繫緣一境四慧者於諦理揀擇是非此
五下釋根義由前下通難難云始入佛法即
有信心云何至此方明信邪答初雖有信未

有定慧不得名根故云由前三科此_{五此}不可
拔又進等前未成熟亦未名根故云前三至
此等疏五力下五釋五力即前等者力有二
義一不為他動即上句也二能伏於他即下
句也障即是他內則損障外則伏魔梵等疏

七覺下六釋覺支七者一念二擇法三精進
四喜五輕安六定七捨文二一正釋疏文隨
列便釋依雜集論五支釋之言所依支者餘
六皆依明記之念而得起故自體支者擇法
是覺義故出離者由勤無間得出離故利益

者由心喜得身安樂故不染汙者皆離過義
故次下四句如次釋輕安定捨庵重散亂食
憂_起滌汙義故庵重謂欲塵庵障轉依謂心
在定則轉與神通等為所依故行捨者揀捨
受也此行捨是善十一中之一矣疏雖一下

本十

大

二通妨謂此覺支成就在於見道見道迅速
故剎那俱起恐疑云既一念起何得說七故
此通云雖一刹等意云功能不同不可言一
如七味香禱節和合焚如麻子七香齊發所
言功能不同者謂念除妄念擇法除不正知

餘如次除懈怠憊沈麗重散亂掉舉踣八正
下七釋正道八正道者離於八邪開通涅槃
故此在修位文二一正釋此文疏中列而便釋
言分別支者此能辨明除七是非取捨等也
誨示者發語示教利喜故令他信者若語不

契實或身無戒行不稱所說非法貪求經營
活命豈可令他信受行用今由此三皆正故
云是令他信支言見清淨者現量親證或比
量親解非傳他語而為說也戒淨者上明解
此明行也行解二法先須明信命者有漏之

身理須資給但依教隨日乞食隨破乞帛等
不為衣食故生心經營求得而守護繫於身
心即名淨命清淨活命故具說淨命之相即
次下依聖種等也聖種有四一常行乞食二
著糞掃衣三石窟塚間樹下隨便而住四有

本

九

病以腐爛藥而治之亦名四依依此修行得
成聖道故復名聖種五邪者一為利養詐現
異相奇特二為利養自說功德三占相吉凶
四高聲現威令人畏敬五者稱說所得利養
以動人心將此五種以求活命故名邪命又

有四邪一下口食合藥種樹二仰口食觀視
星宿三方口食曲媚權豪四維口食呪術卜
筮皆如大小乘諸律論備說問離身語二業
無別正命如何建立三種答婆沙云瞋癡所
起身業語業名邪業邪語貪心所起二業即
名邪命疏淨煩惱者義同精進覺支中說正
止舉相者一掉舉二憒憒故下句云不容沈
掉若失正念即掉即沈沈掉是隨煩惱今正
念能淨之最勝等者此勝功德等由心攀緣
散動故障之不發今以正定止之故云能淨

若能如上分別見誨示思等等於是道支
之果疏上之下二總明次第有法喻對釋詳
之可解婆沙智論皆有此文並以樹况道品
故名道樹疏超越下二解餘文三身等者身
謂法報化智謂大圓鏡等如文殊章說眼謂
肉眼天眼慧眼法眼佛眼通謂如意天眼天
耳他心宿住漏盡地謂十地度謂十度六度
果向謂須陀洹等各四緣謂十二緣諦謂四
諦處即十徧處定即八定九次第定等者等
於餘所不說一切無漏功德疏塵勞有八萬

四千者釋所治也古果釋云衆生煩惱根本有十然一惑力復各有十即為百計應分為九品但上品重故開為三品中下輕故各為一品合為五百復於內外境起謂自五塵為內以他五塵為外一一各五百即為五千別

本十

十

迷四諦則成二萬并本一千則有二萬一千依三毒等分成八萬四千更有二說不能繁叙一一對翻下釋成所治謂本由迷真淨故成妄染今悟染本淨故無加減故清涼云遇三毒而三德圓入一塵而一心淨又有云六賊翻作六

神通等餘如疏引起信論證疏問世下二總料揀三一問答料揀二一問可知疏答前下二答二一結前標後疏謂若下二以義正釋五一法說疏如有下二喻明疏觀智下三法合疏故下下四指文疏祇緣下五以理結定

文並可知疏然上下二明染淨相由二一指配料段疏五段下二正彰染淨由不覺者對上覺圓明故名賴耶者對上顯心清淨乃至處界諸有一一翻對本經言對治此等者正判此經稱性真實翻染行相疏然無下三通

伏難難云經中先說諸佛力無畏等後說道品因等文豈非倒故答云若約人等也據法本末者據真實法理本來是佛此是常住之本也然多劫迷之故成垢染須修習萬行翻於漏染漸修故云未也因也疏亦如下引證言根本等者

論云若因滅論以根本無明為因故則緣滅緣則境界相與後六塵為生起之緣故彼疏云無明為因生三細境界為緣生六塵今言因滅則緣滅者彼疏釋云得對治無明滅時無明所起現識境界亦隨滅三細也細故無心心滅依因滅故不相應心所相應處顯之相六塵前四也明滅時亦隨滅緣滅故相應心其相應顯是

心心所滅以四塵親依境界緣生相應也滅故境界滅時亦隨滅也今引此以證果先因後者以根本無明滅時佛果則顯今既先由無明滅方得境界等枝末不覺展轉而滅則果先因後對治展轉枝末是萬行因法故經自他正報云一切實相者既歷法已盡故但通相躡之義如疏釋思之可見疏二一然凡下正釋義疏此乃下一通妨難難意云修觀行者一身覺性淨故得十方衆生覺性淨者應可一人修道多人成佛故疏通云此乃一人悟性知一切衆生本性等經依

報中疏二一國土下別釋此文皆由自心者
淨名云隨其心淨則佛土淨衆生劫燒等者
法華經云衆生見劫盡大火所燒時劫火災壞
劫在賢劫章中我此土安隱天人常充滿螺髻等者
淨名經中螺髻梵王云我見釋迦牟尼佛土

清淨譬如自在天宮

隨天業識所見

舍利弗言

即驚子

我見此土丘陵坑坎荆棘沙礫土石諸山穢
惡充滿隨人業識所見於是佛以足指按地即時三
千世界若干百千珍寶嚴飾譬如寶莊嚴土
一切大衆歎未曾有而皆自見坐寶蓮華况

乃下道理轉諦的也且如上說心隨染淨之
緣尚能於染見淨况心冥真性染淨俱清淨
邪身土依真者如前引華嚴云普賢身相如
虛空依真而住非國土上來正釋此段經文
訖疏然上下二總明相躡翻對未覺之時妄

本

主

法生起次第釋成覺了還相躡為次第矣經
空色同如中疏二一第二下叙科意此當泯
絕等者即真空觀中有四句前七段即諸法
即空淨不待除却諸法故當第三句空色無
礙觀今空色俱如同於覺性稱性不動故當

第四泯絕無寄觀疏躡前下二正銷文二一
釋前四句三一正釋於中有法說喻明疏故
法下二引證並如文詳之疏然諸下三釋疑
疑云諸法即事覺性即理今既二法平等便
當理事無礙何得科判在真空觀中故此牒
疑辭便釋云夫理事等也疏還如下二釋後
諸句還如前七段等者釋結例之文也

圓覺經略疏之鈔卷第十五